



**N**icolaus Gandavi ex nobili Vtēhouiorum familia natus est. Is cū præclara indole esset præditus, à pueris operam literis dedit, atq; in Iurisprudentia plurimùm profecit. Itaq; factum ut à Cæsare in cōsiliū adhiberetur, atq; tandem omnium votis præses Flandriæ constitueretur. In ea eminentia constitutus, summa animi moderatione uixit, atq; cunctis gratissimus fuit. De eo Erasmus ad Carolum Vtēhouium Nicolai filium Basileæ 1529 sic scriptum reliquit: Sollicitat nimirum uerè generosam indolem tuam domesticum exemplar clarissimi uiri patris tui Nicolai Vtēhouij, qui præter exactam Iuris peritiā, præter elegantiorē etiā literarū

sciētiā tanta modestiā, prudentiā, iudicio, animi moderatiōe atq; integritate fuit ornatus, ut multis annis nemo Gandavi, principali totius Flandriæ concilio, maiori cum laude præfederit. Et si quid in tãto causarum undiq; strepentium tumultu contigisset otij, id euoluendis sacris uoluminibus impendebat, frequenter & noctis aliquam partem huic curæ decidens, homo tot uirtutum luminibus illustris, ut in illo minima claritatis portio uideretur generis decus, hæctenus Erasmus. Cum hoc modo Nicolaus suo munere optimè functus esset, tandem 1529 feliciter obiit, & omnium luctu honorificè sepultus fuit. Ei Erasmus tale epitaphium Græcè & Latinè posuit, quod subiicere placuit,